

Mbwn laep ndaej iet fwngz mbouj raen haj lwgfwngz, vunzmbanj cungj ninz caem lo, seiqlengq caemrwrwd, seizneix dwg seiznit, couh lienz duzdaek duznengz hix mbouj nyi sing.

Daegyau daeuj daengz laj roq Baeuqhan, yawjyawj seiqhenz mbouj miz vunz baedauq, de ndonj daengz bakdou Baeuqhan, laeglemx daj ndaw daehvaq mbon aeu fag mid iq he okdaeuj, menhmenh yaek haeuj dou bae.

Aen dou Baeuqhan dwg doufaex, doengxhaemh de yaek haeuj ninz le, dawz gyaek dou gven hwnjdaeuj, couh onj sim ninz daengz ranzrongh. Cib lai bi daeuj, Daeglwg Baeuqhan caeuj dahbawx cungj youq baihrog dajgoeng, bi daengz byai cij dauq ranz it, ngeih baez, dahlan de Dahcah caeuj Baeuqhan youq ranz, seizneix Dahcah gaenq doeg cuhcungh, gwn ninz youq hagdangz, ndaw ranz couh Baeuqhan boux dog gvaq saedcej.

Baeuqhan 72 bi, mbouj ndaej caiq guh hongreih hongnaz lo, daeglwg nanz mbouj nanz couh geiq sam haj bak maenz ngaenz dauq hawj de yungh.

Daegyau lumh daengz ndaw rug, dingqnyi Baeuqhan ninz ndaek gyaenfofot, yawj daeuj yaep seiz ndiu mbouj gvaqdaeuj. Daegyau yaemj din yaemj fwngz rag geu buh Baeuqhan hoiq youq gyaemj ninz haenx gvaqdaeuj, seiq aen daeh buh cungj lumh caez, mbouj raen miz saek faen ngaenz, Daegyau naemj: Danghnaeuz

•cienlanz sawcuenh•

Gouq



□ Yiz Ciz

haemh neix caeg mbouj ndaej ngaenz, ngoenzcog couh mbouj miz ngaenz bae guhcaemz lo. Caiq gangj ngoenzneix ciq Liqlaenj aeu 10 maenz ngaenz, ngoenzcog hix yaek aeu boiz dauq lo.

Naemj daengz neix, Daegyau hoz mbouj fug, de youq ndaw rug baenq bae baenq dauq, naemj ra gij ngaenz Baeuqhan yo youq gizlawz.

Baeuqhan gyaenz gwn di laeuj, byonghhwnz ndeu dauq hix aeu gwn song amq, aen bingz laeuj couh cuengq youq laj gyaemj ninz. Sawqmwh “byanglang——” sing yiengj ndeu, Daegyau daemj daengz aen bingz laeuj lo. Baeuqhan laihnaeuz duznou doxraih daemj deng aen bingz laeuj, daihsing hat baez ndeu. Baez sing hat neix, hwk ndaej Daegyau nyouh yaek conh dangzvaq bae.

Baeuqhan fwd hai dendwngh

rongh, Daegyau couh lumj duzlingz nei guhmuengz hai dou buet okrog bae. De din baez caij hoengq, doek daengz laj canz bae lo, aen gyaemj daemj deng rin soem, bungq miz aen congh lo, lwed laeyeye, vunz ninz vang youq gwnz namh doenghdanh mbouj ndaej.

Byonghhwnz miz vunz daj ndaw ranz buet okbae, Baeuqhan rox miz saeh mbouj ndei lo, daihsing hemq hwnjdaeuj: “Miz caeg haeuj ranz gou daeuj lo, daihgya daeuj bang gou gaemh caeg a!”

Daxgoeng ranz laj, mehbaj ranz gwnz cungj comz gvaqdaeuj lo, yaep seiz, laj roq Baeuqhan ndwn rim vunz, daihgya raen Daegyau ninz youq laj lae Baeuqhan, mbouj cam hix rox dwg maz saeh lo.

Ciuqgangj raen miz bouxsieng, gyoengqvunz itdingh gibseiz gouq

vunz, baezneix mbouj doengz, vunzmbanj raen dwg Daegyau, bouxboux biq myaiz, baenq ndang sanq bae ranz lo.

Daxbuz Daegyau dingqnyi vunzmbanj hemq gaemh caeg, fwngz gaem aen dienhdoengz ndeu ndang saenzdigdig gvaqdaeuj yawj, raen Daegyau lwed ndingfwgfwg ninz youq gwnz namh, doq daej doq naeuz: “Yaemgoeng sonj lo, yaemgoeng sonj lo.”

Daegyau bineix 13 bi, vunz baenz mbauq youh gvailili, lij iq seiz boux raen boux gyaenz, bouxboux cungj siengj cup de amq he. Seizneix de gaenq mbouj doegsaw lo, ngoenzngoenz guh saeh vaih.

Daxbuz aemq Daegyau daengz ranz, aeu raemx ndat swiqswiq gij lwed gwnz gyaemj gwnz naj de seuq, aeu laeuj swiqswiq baksieng, caiq aeu gaemz ywdoj he oep dwk baksieng, doq guh doq doek raemxda.

Buz caeuj lan hwnz he fouz vah, hwnz he ninz mbouj ndaek.

Duzmou miz bang, duzyiengz miz doih.Youq ndaw mbanj, Daegyau hix miz Liqlaenj caeuj Daegngeq song boux baengzyoux, Liqlaenj beij Daegyau hung bi ndeu, Daegngeq beij Daegyau iq song bi, gyoengqde cungj mbouj doegsaw, ngoenzngoenz guhdoih youz mbanj lauh biengz.

Daegngeq doiq Daegyau naeuz: “Mwngz hab dai lo, bae guh gij saeh neix hix mbouj heuh gou, raen dai la?”
(caengz sat)

Gaeb “Duznaenz” 捉“虱子”

□ Mungz Ningz / 蒙宁

Douqhau、yiengzbya caeuj loegraiz cingq youq itheij guhcaemz, duz roeglaej ndeu mbin daeuj, gigi caca hemq naeuz: “Dingq gou gangj! Dingq gou gangj! Gwnz ndang duzlingz goj miz duznaenz, daxmeh de cingq bang de gaeb ne.”

Dingq le gij vah roeglaej, douqhau sikhaek ciep gangj: “Lingzlwg baenzneix uq, gou mbouj caeuj de guhcaemz lo.”

“Dou hix mbouj caeuj de guhcaemz lo, lau duznaenz gwnz ndang de lah hawj dou.” Yiengzbya caeuj loegraiz hix baenzneix gangj.

Cingq gangj, lingzlwg couh daeuj lo. Roeglaej youh buet youh diuq ciengq naeuz: “Lingzlwg lingzlwg caen haecaengq, duznaenz dwgcaengz benz rim ndang.”

Lingzlwg yaepyaep lwgda, ngaenzngwd yawj roeglaej, roxnyinh roeglaej caeuj de gangrii, youh yawjyawj sam boux doengzdoh, couh coh gyoengqde byaij gvaqbae.

“Gaej byaij gaenh dou.” Sam boux doengzdoh doq hemq doq daenq laeng.

Raen gyoengq doengzdoh bingzseiz caeuj de gig ndei, seizneix baenzneix doiq shwgeij, lingzlwg

roxnyinh nanzgvaq lai, danqheiq gangj: “Gou guh loek maz saeh lwi?”

“Mwngz mbouj guh loek saeh lawz. Hoeng, gwnz ndang mwngz miz duznaenz, lah hawj dou, baenzlawz guh?”

Lingzlwg baez dingq, siengj daengz daxmeh de ngamq youq gwnz ndang de gaeb doxgaiq caemhcai ndang de ciengz haenz, couh naj hoengz lo, daej dwk buet ma ranz ra daxmeh de.

“Daxmeh, vaiq hawj gou swiq ndang ba, gyoengq baengzyoux gou yiemz gwnz ndang gou miz duznaenz, cungj mbouj caeuj gou guhcaemz lo.” Gangj sat de couh daejnganga hwnjdaeuj lo.

“Duznaenz? Gwnz ndang mwngz mbouj miz duznaenz ha!” Daxmeh de dap naeuz.

“Yienghneix, haxbaenh mwngz youq gwnz ndang gou gaeb maz? Lij aeu heuj bae haeb.”

Daxmeh riu hwnjdaeuj, gangj: “Lwg huk lai, daxmeh mbouj dwg youq gwnz ndang mwngz gaeb duznaenz, dwg naed gyu iq, ndangdaj daxmeh sihyau gyu. Byaij, daxmeh bae caeuj doengzdoh mwngz gangjgangj, daengz gou gangj liux, gyoengq



Nazmbaeklae Lungzswng.

Vuz Sunghbinh ingj

baengzyoux mwngz itdingh youh caeuj mwngz itheij guhcaemz moq lo.”

Lingzlwg caeuj daxmeh de ra daengz douqhau、yiengzbya caeuj loegraiz, duz roeglaej baklai hix youq henz. Lingzlwg buet gvaqbae, sing hung doiq de naeuz: “Vei, Sou dingq ndei! Daxmeh gou gangj lo, youq gwnz ndang gou mbouj dwg duznaenz, dwg naed gyu iq.”

“Ho ho”! Caezgya cungj riu hwnjdaeuj. Gyoengqde cungj nyinhnaeuz vah lingzlwg ndeiriu. Roeglaej youq gwnz faex youh sing soem dwk ciengq hwnjdaeuj: “Geizheih geizheih caen geizheih, gwnz ndang duzlingz

maj naed gyu.”

“Sou gaej riu, neix dwg caen,” Daxmeh lingzlwg nyinhcaen dwk gangj: “Gwnz ndang duzlingz dou, bwn lai, ok hanh lai, nanz ndaej hawq. Ndw hanh miz gyu, menhmenh couh giet baenz naed gyu iq, nem youq gwnz ndang haenznyatnyat. Haxbaenh roeglaej raen gou youq gwnz ndang lingzlwg gaeb, couhdwg naed gyu, gou dwg nyep daeuj gwn. Mbouj saenq, sou nyep naed ndeu cimz.

“O, laxlawz dwg baenzneix.” Gyoengq doengzdoh iq cungj naj nyaenq dwk ngaemgyaeuj roengzdaeuj, roeglaej lij hawj lingzlwg boizlaex ne!